

Малин идгин зокал

Хөбнд нег хонгт 8 килограмм шаху өвсн кергтэ болдмн. Хөд бийдэн кергтэ нääмн килограмм өвснэс кемрджэн чөдргэн-шарлджн идгтэ газрт хэрүлхлэ 70 процентинь иддмн, кемрджэн олн зүсн өвстэ идгт хэрүлхлэ—60 процентинь өдртэн иддмн. Мана Хальмг таньгъчин газрт, дундин ургъцин джилд, нег гектар чөдргэн-шарлджн идгтэ газрт 4-5 центнер, идгин олн-зүсн өвстэ газрт—4-6 центнер мал идх өвсн ургъдмн.

Тиигэд, хургъта 800 толгъа хөбнэ отарт 16-20 гектар газрин идг кергтэ, эс гидж арвн хонгт 160-200 гектар кергтэ. Тер агъу газрин идгт арвн

хонгас давулдж хө хэрүлдж болш уга, юнъгад гихлэ, мал удан идшлэд, ишкчкся тер газрт хөбтнднь өвсн муугъар ургъдмн. Хөн идшлэд гарч одсн газрт лакнас өвс саянар ургъахин эрkd 60 хонгин утуршарт тер бääрнд мал хэрү орулдж идүлдмн биш.

Тиим кевär малин идгин газр диглхлэ, хургъта 800 толгъа хөбнэ отарт участок болгънд 1200-1500 гектар газрта малин идгин гурвн участка бääх кергтэ, эс гидж хургъта нег хөбнд 4,5-5,6 гектар идг кергтэ. Энүг күүцхин эрkd малин идг дигтэ-даратагъар олзллгъна карт кех кергтэ.